



BOSNIA AND HERZEGOVINA  
AGENCY FOR POSTAL TRAFFIC OF  
BOSNIA AND HERZEGOVINA

**VIJEĆE /SAVJET AGENCIJE**

Broj: 01-05-2-16-9-529-25/22

Datum: 03. 11. 2022. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 70. i 89. Zakona o javnim nabavkama („Službeni glasnik BiH“ broj 39/14 i 59/22) člana 8. Statuta Agencije za poštanski saobraćaj Bosne i Hercegovine („Službeni glasnik BiH“ broj 92/07), a u vezi sa članom 9. Pravilnika o uslovima i načinu korištenja e-aukcije („Službeni glasnik BiH“, broj 66/16), Izvještaja o toku i završetku e-aukcije i preporuke Komisije za nabavke broj: 01-05-2-16-9-529-24/22 od 31. 10. 2022. godine, Savjet Agencije za poštanski saobraćaj Bosne i Hercegovine na 69. sjednici, održanoj dana 03. 11. 2022. godine donosi

**O D L U K U**

**o izboru najpovoljnijeg ponuđača za nabavku  
goriva i drugog potrošnog materijala za službena motorna vozila**

**I.**

Usvaja se preporuka Komisije za nabavke broj: 01-05-2-16-9-529-24/22 od 31. 10. 2022. godine i Izvještaj o toku i završetku e-aukcije, te se primjenom kriterijuma „najniža cijena tehnički zadovoljavajuće ponude“, a koja u pravnom, ekonomskom i tehničkom smislu u potpunosti zadovoljava ugovorni organa, kao najbolji ponuđač u konkurentskom postupku nabavke roba „goriva i drugog potrošnog materijala za službena motorna vozila“ (JRJN 09100000-0) bira društvo „Hifa Petrol“ d.o.o. Sarajevo, čija ukupna cijena bez PDV-a iznosi 11.288,30 KM odnosno 13.207,31 KM sa obračunatim PDV-om.

**II.**

Sa izabranim ponuđačem iz tačke I. ove Odluke realizovaće se nabavka iz tačke I. ove Odluke u iznosu od 13.207,31 KM sa obračunatim PDV-om.

**III.**

Za provođenje ove Odluke zadužuje se Područje za ekonomske poslove i tarifnu politiku i Područje za pravne i administrativne poslove.

**O b r a z l o ž e n j e**

Odlukom Agencije za poštanski saobraćaj Bosne i Hercegovine broj: 01-02-1-16-9-529-2/22 od 05. 10. 2022. godine pokrenut je postupak nabavke roba – Goriva i drugog potrošnog materijala za službena motorna vozila Agencije, putem provođenja postupka konkurentskog zahtjeva za dostavljanje ponuda objavljenim na portalu javnih nabavki sa planiranom e-aukcijom, a u skladu sa tenderskom dokumentacijom.

Agencija je putem Komisije za nabavke imenovane rješenjem broj: 01-02-2-16-9-529-3/22 od 05. 10. 2022. godine provela postupak pripreme tenderske dokumentacije, objave na portalu javnih nabavki, prikupljanja ponuda i preduzela druge potrebne aktivnosti vezane za nabavku u skladu sa odredbama Zakona o javnim nabavkama i Pravilnika o uslovima i načinu korištenja e-aukcije.

Obavještenje o nabavci broj: 934-7-1-31-3-2/22 od 12. 10. 2022. godine objavljeno je na portalu javnih nabavki uz dodatni poziv trojici ponuđača u skladu sa članom 88. Zakona o javnim

nabavkama. Tendersku dokumentaciju je u skladu sa Zakonom sa portala preuzelo 8 ponuđača, od kojih su tri (3) ponuđača dostavila ponudu u ostavljenom roku. Ponude su dostavili sledeći ponuđači:

1. „Hifa Petrol“ d.o.o. Sarajevo,
2. „Hifa“ d.o.o. Tešanj i
3. „Petrol BH Oil Company“ d.o.o. Sarajevo.

Nakon otvaranja ponuda Komisija je pristupila ocjeni formalne i materijalne ispravnosti istih i utvrdila da ponude društva „Hifa Petrol“ d.o.o. Sarajevo i „Hifa“ d.o.o. Tešanj ispunjavaju uslove tražene u tenderskoj dokumentaciji.

Nadalje je utvrđeno da je ponuda društva „Petrol BH Oil“ d.o.o. Sarajevo nepotpuna i da ista ne sadrži svu dokumentaciju traženu tenderskom dokumentacijom. Naime, nedostaju fiskalni računi izdati na dan izrade ponude ili na datum objave obavještenja o nabavci koje je ponuđač bio dužan dostaviti, a u skladu sa tenderskom dokumentacijom (Aneks 3, tačka 6 – Obrazac za cijenu ponude).

Komisija je u skladu sa tačkom 15. tenderske dokumentacije, formalno i materijalno ispravne ponude unijela u sistem e-aukcije i istu zakazala za 26. 10. 2022. godine sa početkom u 13:00 časova sa sledećom početnom rang listom:

1. „Hifa Petrol“ d.o.o. Sarajevo, sa početnom ponudom u iznosu od 11.708,00 KM bez PDV-a i
2. „Hifa“ d.o.o. Tešanj, sa početnom ponudom u iznosu od 11.875,00 KM bez PDV-a.

Na e-aukciji koja je završena u 13:15 časova najnižu cijenu ponudio je ponuđač „Hifa Petrol“ d.o.o. Sarajevo koja iznosi 11.288,30 KM bez PDV-a odnosno 13.207,31 KM sa PDV-om.

U skladu sa navedenim Komisija za nabavke je o preduzetim aktivnostima napravila zapisnik na osnovu čega je dala preporuku Ugovornom organu da usvoji ponudu društva „Hifa Petrol“ d.o.o. Sarajevo, a koju je Savjet Agencije usvojio.

Na osnovu izloženog odlučeno je na način naveden u dispozitivu.

#### **Pravna pouka:**

Protiv ove Odluke nezadovoljna strana može uložiti žalbu u roku od pet (5) dana od dana prijema Odluke. Žalba se ulaže Kancelariji za razmatranje žalbi putem Agencije za poštanski saobraćaj Bosne i Hercegovine.



**Predsjedavajuća Savjeta Agencije**

Ljiljana Erkić, dipl. ecc.

#### **Dostavljeno:**

- „Hifa - Petrol“ d.o.o. Sarajevo, Hotonj b.b., 71320 Vogosca,
- „Hifa“ d.o.o. Tešanj, Bukva 9, 74260 Tešanj,
- „Petrol BH Oil Company“ d.o.o, Tešanjnska 24A, 71000 Sarajevo,
- a/a.